




PAMFLET

599.







W 53.⁴
VERHAEL

op de Quetsure van

Mijn heer den Prince
van Dagnien.



Ghedrukt int iaer M. D. CCCC LIII

K. 599.

VERHAEL

OP DE CONSTITUTIE VAN

DE NEDERLANDSE RECHTSPRAAK

IN DE RECHTSPRAAK



GEDEPONEERD IN DE BIBLIOTHEEK

Verhael op de quetsure van Mijn-heer den Prince van Oragnien.

Een van de afghesette brieuen / die de
Cardinael van Granuelle aen Mozillon schrijft/
sprekende vā Mijn-heer den Prince van Oragnie/
sejt hy dese woorden: Waer de vertwijfelde ramp-
salighe van Orangien met den slach doot ghebleuen,
so hadder beter hope gheweest, &c. Dese veurseyde woorden van
den Cardinael hebben my oorsaecke ghegheuen / een verhael te
doen aengaende des Princen van Oragnie quetsure: welcke/
also ick hope / niet onproffijelick en sal wesen deur alle de Neder-
landtsche Provincien / ende sal oock erghents toe moghen dienen
deur de byligghende landen / die tot de ruste der Christenheyt
goedt hert draghen / ende die deser onmatelicker macht der Spa-
niaerden / met goeden rechte qualick betrouwē moeten. Wel hal-
uen dunckt my dat hier wel te passe sal comen / ten iersten te on-
dersoeckē / wiē dat desen titel rampsalich beter diēt ende betaemt/
te weten / oft den Prince van Orangien / oft sijnen vpanden.

Men kan niet der waerheyt niet gheloochenen / dat Coninck
Philips binnen sijnen leuen veel groote verboorderinghen van
gunsten ghehadt heeft: Want al eer hy ter werelt was ghero-
men / is Keyser Carel sijn vader gheweest de meeste Vorst van
Christenriick / niet alleen deur den Keyserlicken tittel / maer oock
ouermidt sijn Coninck rijcken / landen ende goeden / wijdt en-
de breedte geleghen / daerenbouen oock sijn groot verstandt / wijs-
dom / verbaerentheyt ende kennisse: so dat hy niet alleenlick vā
de Christelicke Princen / maer oock van de Turcken / Africanen /
ende andere Barbarische nacen ghevzeest ende ontsien werdt:
ende hadde t sijnen ghebode ende wille den meesten deel van de
treffelickste Capiteynen ter werelt / niet alleen van de Neder-
landen / daer ten minsten twaelf waeren weerdich om beuel te
hebben ouer de machtichste kriechs hepren; maer oock van an-
dere nacen / die hy deur sijn behendicheyt / kloechheyt ende ver-
standicheyt t sijnen dienste hadde ghecreghen / van d'aller beste
Capiteynen die in dienst van ander Vorsten mochtē wesen. Men
sal segghen / dat dit gheluck desen Keyser Carel eyghen was. Wie
isser oock diēt loochenen sal? ende dat hy midts dit gheluck ende
deur spoedt so veel schoone ende treffelicke aenslaeghen wtghe-
richt heeft / waer deur sijnen naem ende faem (welck gheen van
de minste pointen des ghelucks en is) niet alleenlick by sijnen le-
uen den

uen den gantschen aerdtbode ouer verbeydt is gheweest: maer alle de naekomelingen sullen oock sijne glorie ende onsterffelicke eere hoozen gheluydt gheuen. Oock en kan men niet gheloochene/ hadde dese groote keiser achterghelaeten eenen naecomelinc ende erfghenaem sijns ghelijcke / dit gheluck en soude dobbel ende twee-voudich gheworden hebben in sijns soons persoone. De historien hebben hoochelich vermaert den Alexander van Macedonien / toegheuaemt de Groote / als het ierste ende vernaemste hooft dat opt beuel heeft gehad / nae Julius Cesar: de welcke voorts veel andere groote Capiteynē nae hem achterghelaeten heeft / die tot noch toe sijn gheweest. Maer wie sal derren loochenen / dat de beurgacende Coninghen van Macedonien / die van langher handt den kriechshandel hadden gheploegen / niet en hebben gedient tot de voorderinge en behulp van des beurs Alexanders groote macht? Ende aengaende sijnen vader Philips vā Macedoniē / ick heb veel groote personagiē die wel geschickt / gheleert en verbaeren waerē in zaekē vā staete / hoozen disputeren / wie den oppersten prijs van eeren soude moeten hebben / oft Philips oft Alexander: niet dat men in vergelijkinghe stelde de grootte van de vercregen heerlijckheden ende rijckdommen / ende de gheluckighe wtganghen ende vervolghinghen van de veldt-slaegen gewonnen deur den eenē en dē anderen: maer mē vergeleek de eerste middelen vā den eenen en van den anderen / de swaericheydt van t'verkrijghen / het verschil van de machter vanden die sy ontmoetten: ende van Philips wegghen / de groote moeyte die hy hadde ghehad met so veel goede hooftmannen / en so veel goede kriesch-lieden te maeken / de welcke hy sijnen sone als eenen schat heeft achter-ghelaeten: welck hem veel grootter ende rijcker patrimonie is geweest dan het Coninckrijck van Macedoniē / welck het vaderlick en erfelick goet was van heuren hupse / met het keiserrijck van Grieken-landt berekregen deur des beursē Philips groote vromicheydt.

Aengaende keiser Carel / wie sal oock niet reden konnen wederlegghen / dat in sijne persoone niet gheromen en zyn / als ghestoort ende ghegoten / de groote vromicheden ende beurspoedicheden vā het zeer edel huys vā Borgondien / de groote wijsheyt ende belepdinge der Coninghen van Castillie / die de Sarrazijnsche Coninghen wt Spanien hebben verdreuen / ende der Coninghen van Arragon / de welcke so deur heur vromicheydt als looficheydt ghekregen hebben de Coninckrijcken van Napels / Sicilie / Maiorque / Minorque / ende Pauerre? sonder dat ick segge van t'gelooue welck t'huys van Borgondien hen heeft berekregen by de Duytsche nacie / van de welcke de keiser in alle sijne oorloghen ghehaelt ende ghetrocken heeft als wt eenen steenkupl / een ontallicke menichte van kriechlieden so te voete als te peerde. Oock is wel kennelick ende ghewis by alle wijsen mēnen / dat

nen/dat Keyser Carel so veel veurdeels' gheraept ende versaelmelt
hebbēde van sijne veursaetē/ heeft niet te min verkregen de ouer-
maete van alle gheluck/ ende heeft dit werck des Keyserrijcks
tot sijne volmaeckthepdt wt synen hupse gebzacht/welck niet al-
leenlick en streckte in Hoochdupdtschlant/ aen welcken lande dē
naem des Keyser-rijcks schijnt gebonden te zijn/ maer ouer alle
de Prouincien van Europe/ wel wijdt en breekt streckende in
Afrigue en oock in Indien/en in het vierde deel des wereldts.

Hadde dan de sone den Keyser synen vader so verre te bouen
ghegaen/ als de Keyser sijne veur ouders heeft ghedaen/ oft had-
de hy hem eenichs- lins in dese weerde bliuen houdende/ sonder
twyfel hy soude gheweest hebben een van de meeste Coninghen
des aerdtrijcks/ iae van de gene die hier veurtijds zijn gheweest.
Oock moet men noodtsaeckelick bekennen/ dat dit gheen cley-
point van gheluck en is gheweest/ van sulcken vader ghebozen
te zijn/ sodaenighe ende so groote goeden te besitten/ erf-heer te
zijn van so groote menichte vromer mannen ter ozloghen/ ende
besonderlick so dappere Hooft-lieden van Hoochdupdtsche/ Ita-
liaensche/ Spaensche/ ende bouen al van dese Peder-landen: also
dat tot nu teghenwoordichlick toe Coninck Philips grootelick vā
Godt begunsticht/ ende wel gheluckich is/ dat hy sone van ee-
nen sulcken vader is gheweest.

Woorts passerende de cleyne ionckhepdt vā Coninck Philips/
mach men sien het tweede point van gheluck/ te weten dat hy
comēde tot volmaeckter ouderdom/oock hy sijns vaders leuen/
ghehult is van so veel groote Coninck-rijcken/ Landen en Heer-
lichheden: ende so de Keyser op het eynde van sijn Keyser-rijck
sommighe teghenstooten hadde ghehadt so in Hooch-
dupdtschlant deur de vromichepdt van Hertog Maurice ende andere
Hooch-dupdtsche Voysen/ als deur andere conquestē van Coninck
Henrick van Brancrjck/ ende eyndelick deur het beleggh van
Mets/so is de gunste tot Coninck Philips alsulck gheweest/ dat
deur de bede ende schattinghe van neghen iaeren in Peder-landt/
ende deur de groote vromichepdt van de goede Hooft-lieden/be-
sonder wt den seluen landen/ hy de saecken tot sulcken staet we-
derom heeft ghebzacht/ dat hy nae veel schoone victozien niet al-
leenlick wederom en heeft ghecregen al wat sijn vader verlozen
hadde/maer stelde oock den staet van Italien in sekerhepdt/ en
dede den Hertoghe van Sauoye synen besonderen vrendt ende
dienaer wederom geuen alle de landen die deur synen vader ver-
lozen waeren. Woorts daer nae heeft hy zeer grooten voortgack
ende veurspoedt ghehadt in Indien. Ende doen de Toxk heri
woude bestooten (behaluen het verlies dat hy hadde in Gerbes/
ende het schandelick innemen van Goulette) is hy so gheluckich
gheweest/ dat midts hebbende deur ghiften sommighe Baschas
omghelet/hy d'ozloghe elders ouergheschickt heeft/oft heeft em-

mers deur sijn schalckhepdt de Venetiaenen doen comen in sijn
verbondt / ende ghemaect dat heur Coninck-rycken ende lan-
den hem hebben ghedient tot boyst-weeringhen ende grauelin-
ghen / om te beletten dat het roytijne van sijnen staet niet en sou-
de bestoooten worden: iae hy is so gheluckich gheweest / dat de
glorieuse victorie verkregen ter zee deur het bloedt ende de vro-
muchepdt der Venetiaenen / gekeert is tot sijne eere ende proffijt /
soo het al wel beschickt was deur Don Jan van Oosten-rijck
met des Paus wete ende verwillinghe. Ende aengaende den
handel van Neder-landt / dit was hē al gelucht nae sijnen wensche:
Want men mach wel segghen / dat den Duc d'Alue in de Neder-
landen comende met een handt-vol volcks / niet en behoefde dan
wat krijts ende eenen fourier / om de hupsen te teekenen / ende
booyts eenen hang-dief / om te hangen ende te onthalsen de gene
die in desen lande waeren: iae het gheluck heeft hem so seer mede
gewilt / dat de reste van de Heeren die in dese landen niet en wae-
ren / onder sijne handen in Spanien waeren / daer hy al op de
Spaensche wijze wtghericht werden / ghelijck een ieghelick wel
weet. Aengaende den Prince van Orangie de welke alleen ghe-
raect was wt sijne handen / die is wt alle sijn gordt ghestooten
gheweest / so dat hy niet eenen gulden in rente meer en hadde / iae
sijn oudste sone was in Spanien gheuoert / ende daer als te pā-
de ghehouden / welck gheen cleyn point van gheluck en is / waer
af Coninck Philips ende sijn hanghende mē Duc d'Alue / instru-
ment van sijne tyrannije / hen dickwils beroemt hebben. Iae
doen de Prince tot twee repsen armeyen in dit landt gheboert
heeft / so hebben hem t'elcken repse de ghene ghesailleert die hem
belofte hadden ghedaen / ende daer hy sijn betrouwen op ghestelt
hadde / d'een by faute van cozacie / d'ander by faute van gheloo-
ue: ende dit en is gheen cleyn point dan gheluck gheweest: ghe-
lijck oock Duc d'Alue wel te verstaen heeft ghegheuen deur dese
eewige settinghe ende schattinghe van den hondertsten ende van
den thienenden penninck / die hy desen volcke meynde op te leggen /
niet als den vaderlicken ondersaeten van sijnen meester / maer
ouerwonnen menschen ende slaven: dief-ghelick oock deur de
hoouerdighe oprechtighe van sijn gegoten beeldt op het casteel
van Antwerpen. Oock sien wy dat hy binnen allen desen tijden /
ghespeelt heeft met de potentaten van Italien ghelijck met den
kaetf-bal: dat de Paus des verleyden Conincks saeckē in han-
den heeft ghenomen als sijn eyghene / so verre dat hy hem heeft
willen gheuen verordeel van Hoorchepdt bouen den Coninck van
Oranck rijck. Aengaende het Keijser rijck / daer met heeft hy
ghedaen ghelijck met sijn eyghen. Ende aengaende Oranck-
rijck / daer en heeft hy gheen ghebreck ghehadt van also goede
dienaers / als hy te Madrid oft in Seuille hadde. Eyndelick
heeft een ieghelick wel ghesien hoe ghemackelick dat hy hem
meester

meester van Portugal ghemaect heeft/ende heeft deur dit mid-
del sijn stuck landts wel rondt ghemaect/ hebbende nu het heel
corpus van Spanien onder sijne handen.

Wie soude dan kunnen gheloochenen/ dat de Coninck van
Castilie niet ghecomen en is tot het hoochste van alle gheluck?
Ick veur mijn hooft en kan niet ghetwifelen/ als Mijn-heer de
Cardinael nae de behendicheydt van synen gheelt dese dinghen
veur ooghen stelt/ ende besonder de wyse beleydinghe van alle
heur handels die sy volbracht hebben niet met de waepen/ maer
met eenen cleppen hoop ducaten/hy en verwondert hem van dese
salicheydt ende van sijns meesters groot gheluck/ ende houdt
si-seluen oock wonderlick geluckich/ bedenckende dat sijn groot-
vader een hoef-smidt is gheweest/ ende dat hy nu si-seluen siet
onder eenen so gheluckighen Prince alle dese groote'affairen ad-
ministreren/ende tot den krop toe verbult met goet ende rijck-
dom/ende tot sijn priesterschap so veel knaepen te hebben/dat hy
opt eynde van het veurleden iaer/ aen Mozillon schreef/ dat hy
al op een repse tachtentich siecke dienaers hadde. Ick en twij-
fel oock niet/hy en acht den Prince van Parme gheluckich/ om
dat hy veur eenen sulcken Vorst t'beleydt en t'bewindt heeft van
dit kriechel-heyr welck sy catholijck ende victozieus heet: en dat
hy ghestelt is teghen een hooft van so grooten hupsle/ te weten
teghen eenen sone des hups van Franckrijck/ daer alle sijne
heursaten arme dienaers af zijn gheweest/ ende deur wiens wel-
daedt sy noch onlancks geleden/ hebben de lile bloemen in heur
wapen/ ende heuren edeldom vercreghen/ ende dat hy hem nu
doet Altesse noemen/ om hē te schepden van so vele clepne Excel-
lentien daer hy slechtelick ghebodt ouer heeft/ende deur dien hy
den meesten Vorsten bā aerdtrijck nae de machtichste Coningen/
gelijck is. Ende aengaende Gaspar Anastro/ wie isser doch die
twijfelt/dat hy en alle de Spaniaerden die doen deur de gheschre-
uen brieuē den Prince veur doot hielden/oft enimmers wel verse-
hert waren dat hy niet becomē en soude/ desen Anastro niet en
achtten veur seer geluckich/ om dat hy middel hadde gegeuen tot
sulcken seyt/ naedemael dat sy eenen so deerlichen moordenaer
als Jaureguy veur martelaer houdē. Siet hierom houdt de Car-
dinael hē seluen/ sijnen meester/ en meer ander veur geluckich: en
ter contrarien acht hy den Prince van Orangien veur ongheluc-
kich. Maer wat salt doch zijn/ Mijn-heer Cardinael/ ist dat ick
u betoone dat ter seluer tijdt als ghy den Prince den naem gheeft
van rampsaelich ende ongheluckich/dat hy doen gheraecht is ten
aller meesten ghelucke/ ende is ghecomen tot d'aller hoochste der
geluck salicheydt/ so zeer als eenich mensch in desen leuen mocht.
Ist dat ick u betoone/ dat de boose ende verraderliche practijckē
van uwen tyran(want hy en verdient gheens-lins den naem van
eenen Coninck) deur de welcke hy den Prince meynde gansche-
lick te

lich te verdzucken ende ter aerden te worpen / niet en zijn ghe-
weest het beghinsel / maer de volbzenghinghe van alle ongheluck
dat op sijn hooft is gheballen / ende den schandelicksten hoedt
daer ghy ende de uwe opt hebt moghen mede ghedeckt zijn ghe-
weest / ende dattet is de strop die desen sehelschen Añastro sal
verwozgen / gelijk hy sãmerlick en schandelick dese arme tonghe
lieden heeft doen steruen / die hy bedrogghen / verleydt ende ver-
raeden heeft / iae oock sijnen epgheuen biacht-vader / Ende in-
dien ick v boorts betoone / dat uwe Coninck oft tyran de ramp-
salichste Wozt is die opt croone dorch : so gelooue ick wel / dat
ghy dese dinghen verstaende / den toenaem van rampsaelich sult
veranderen / ende sult den seluen uwen Coninck gheuen : oft mo-
ghelick / aenghesien ghy denckt selue booser te wesen dan hy / sult
ghy dien veur v epgheuen nemen / ende v daer met bedecken gelijk
met eenen schoonen Cardinaels hoedt ende mantel.

Het is seker / iae uwe vrienden ende meer andere segghen mer-
kelick / dat de gemeyne meyninghe der Spaniaerden is / dat des
Princen van Orangie doot soude gheweest hebben de verske-
ringhe van des Conincks van Spanien affaiven in desen lande.
Siet hier om heeft de Coninck van Spanien met veel ende ver-
scheyden persoonen getracteert het middel om hem van der we-
relt te helpen deur moorderijen ende menigherley sorten van
berghiftinghen : ende de Prince van Parme ende sommighe van
sijnen aenhanck die wel siekent zijn / hebben oock tselue ghedaen.
Volghende desen aenslach / so is den verseyden Añastro deur
het onderwindt van Alunsa / de belofte ghedaen van t'achtentich
duzent ducaten / ghelyck dat breeder verclaert is in de depositie
van Añastros armen dienaar / die sãmerlick ter doot is ghe-
bracht deur sijnen meester. Maer Godt die der booser menschen
aenslaeghen kan om-worpen ende verstoozen / heeft oock dese
quet sure gantschelick anders doen vergaen dan dese rampsaeli-
ghe veurghenomen hadden. Het is wel waer dat int beghinsel
de verbaestheydt zeer groot was / als onuerhoedts gheschiedt
zijnde op eenen sulcken dach / te weten Mijns-heeren des Hertog-
ghen van Brabant gheboort-dach / op den welken een iegelick
hem bereedde tot verbljdinghe ter feest-maelijdt die ten seluen
daghe tsaundts soude ghehouden worden. Den slach ghenallen
zijnde op eenē Prince die van t'volck so zeer bemindt werdt / dat
hy mans gedenckenisse noyt Prince meer bemindt en is geweest.
Op eenen Prince die alleen onder alle de groote Heeren van den
lande begonst ende volherdt heeft int vervolgen van de vrijheyt
des landts / ende de verdzuinghe der tyrannien. Op eenen Prin-
ce die sijn leuen ouerghebracht heeft ten dienste des landts : ende
veur so veel arbejds / veur t'verlies van sijn dyn broeders die in
desen krijch doot zijn gebleuē / veur sijnen sone dien hy veur doot
houdt wesende onder de handen van eenen sulcken vyandt / veur
alle sijne

alle sijne deught ende welbaedt/en heeft hy tot op den dach van
 heden geen ander recompense oft vergheldinghe / dan de goet-
 herticheydt ende vriendtschap van den volcke: Op eenen Prince/
 op den welcken nae Godt dit volck alle sijn hope heeft ghestelt:
 Ende hadde tgene voortganck ghehad dat veel boose menschen
 wel hadden ghewilt/ende dat de Prince van Parme/Añastro/de
 Cardinael ende heur Coninck begeerden: sonder twyfel daer sou-
 de een groote confusie ghecomen hebben in eene sulcke stadt daer
 Myn-heer de Hertogh van Zabandt nieuwelicks was ghero-
 men/wiens goetheyt ende volstandicheydt doen ter tydt noch
 so wel niet bekend en was als nu teghenwoordichlick/Godt hebs
 lof ende danck. Maer Godt die alle dinghen deur sijne heplige
 beursichticheydt beschickt/betoonde op eenen ooghenblich tijts/
 hoe dat hy in dese quetsure die ten aller eersten alle desen staet be-
 roert hadde ghelijck eenen donderslach / heeft willen doen blijc-
 ken veur alle de werelddat hy deur nieuwe ende vrende mid-
 delen alle de aenflaghen der tyrannen ende der gheimeyne ende
 gheswozene vyanden van de Christenheyt gantschelick heeft
 omgestooten. Want wien soude men connen toeschrijven / dat
 ter wijle de saecken so vertwijfelt ende verwert stonden ende ge-
 stelt te vallen in sulcke verstooringhe/ouer den gehuerden doot-
 slaegher Jauregui so veel bescheedts gheuonden werdt/dat geen
 mensch ter werelddit ghesien hebbende / eenichsins en soude
 connen twyfelen / de Spaniaerden en hadden al die ghelpe der
 boosheyt berockt? also dat op eenen ooghenblich tijds / in ste-
 de dat de Spaniaerden ende heur gunstighe aenhanghers meyn-
 den een bequame oorzaecke ende ghelegentheyt gheuonden te
 hebben/ om de Fransoisen en de Inlanders twistich te maecken
 teghen malckanderen/ is gheschiedt ter contrarien/ dat de waer-
 heyt haer beghinnende te ontdecken/ een fondament heeft ghe-
 gheuen tot de vriendtschap ende vereeninghe die naederhandt
 daer wt ghevolght is / de welcke met Godts hulpe/ onsterffelick
 ende onbzekelick sal wesen/ deur wiens middel oock alle de reste
 van de Spaensche tyrannie wt desen lande wtgheroedt/ ende tot
 ouer t'groot gheberghte ghedreuen sal worden. Jauregui al
 was hy wel sot / ghelijck hy betoont heeft / midts hem laetende
 also betooueren van de verrader Añastro/en is nochans so slecht
 ende onsinlich niet gheweest/ hy en wiest wel/by hem houdende
 de papieren die ouer hem gheuonden werden / dat hy het seyt
 gantschelick soude ontdecken/ende sijnen armen met-ghesel De-
 nero in perijckel stellen. Maer wie kan doch der beursichtic-
 heydt Godts wederstaen? Want Jauregui niet wetende waer-
 om hy dit dede/ heeft de beurselde papieren ouer hem ghehad/
 de welcke Godt te wercke heeft gestelt om het seyt te beuestigen
 ende waer te maecken. En dat meer is / sal men segghen/ dat
 tet hy auenture ende gheual geschiedt is/dat des anderen daechs

de byeuen van Anastro geraeckt zijn in de handen van de wacht:
deur welcke den aenslach so claerlick int licht is ghebracht / dat
het proces wel lichtelick is te maerken gheweest? Deur-waer dit
is al deur Godts beursichticheydt geschiedt / gelijck de gene oock
wel genoegh versoecht hebben die daer gemerck op hebben geno-
men / dat so veel schelmerijen belepdt deur de schalckste menschen
vander werelt / ende met de meeste bedeckels ende verdonckie-
ringhen die men verdencken moecht / niettemin al te beurschijn
zijn ghecomen / ende ghestraft deur allulcke middelen die men
niemanden en kan toegheschrijven van Gode alleen. Welck al-
len menschen die deur den duuel berlepdt zijn / ghelijck Anastro
ende Jaureguy zijn gheweest / wel moet men dencken / dat heur
loofhepdt ende schalckhepdt geensins en is te vergelijcken met
Godts onepndeliche wijshepdt / die de schalckste in heur loofhepdt
betragt / ende wil den menschen de merckeliche daeden van sijne
rechtveerdichepdt doen ghewaer worden. Dit is dan gheweest
het beghinsel van verscheringhe / welck ghecomen is in de han-
den van de dienaers vā sijn-heer den Hertog van Brabant / en-
de den beurselden Heer Prince / doen sy zeer ontfelt ende becom-
mert van sinnen waeren / ende heeft den inganc ghemaect tot
tghene dat naemaels ghevolgt is aengaende de waermaekinghe
van een so schandelicken seyt / ghelijck nu teghenwoordichlick een
nen ieghelicken wel bekend is. De Spaniaerden meynden dat
desen slach de herten van de inlanders gatschelich soude afschep-
den van de Fransoisen / ghelijck de Cardinael in sijne byeue ende
klap-geschrift seyt / Dat dit waer soude wesen, indien die van An-
werpen den Hertogh van Aleuison leuerden om gecastijt te wor-
den. Want wt allulcke stael ende monster van woorden can men
wel gheraepen tghene dat sy ghedacht hebben: hoe-wel dat deur
de achterhaelde byeuen van den Marquis van Berghen ende vā
andere / wel claerlick bekend wordt / wat de Spaniaerden ende
de Spaens-ghesinde van dese quetsure hopten / te weten / de be-
derffenisse van sijne Hoorhepdt / waer deur het landt gantsche-
lick verdrucht ende ouerbullen soude hebben gheweest. Maer
heel ter contrarie / so en heeft gheen dinc de begonste byendt-
schap so seer beuesticht / als dese quetsure: Want des Prince wooz-
den / smackinghen ende veruchtingen en zijn die niet een ewich-
durende ghetupghenisse gheweest van sijne volstandichepdt ende
ghetrouwichepdt tot sijne Hoorhepdt? ende doen hem de sprac-
ke deur de Medecijn-meesters verhoden / oft t'ghebrupck deur
het gheswil van de wonde benomen is gheweest / en waren sijne
handen niet ghetrouwe ghetupgen van syne vaste affertie t'sijnen
dienste / niet alleen / ghelijck men ghemeenlick seyt / totter doot
toe / maer al verre voorderlaetende sijn-heeren den Staten /
der stadt van Anwerpen / en sijn gantschen hupsghesinde en na-
komelinghen so merckeliche tecken en van sijne getrouwichepdt
ende stan-

wacht:
it / dat
aer dit
le dock
igeno-
nschen
onckie-
rschijn
e men
ck al-
nastra
t heur
en met
ofhept
n sijne
eweest
e han-
nt/cir-
ecom-
kit tot
inghe
ck ee-
en dat
schep-
ende
n An-
woz-
men
deur
de vā
ende
de be-
rsche-
Maer
endt-
ooz-
vich-
ende
naec-
deur
sijne
ynen
oodt
aten/
n na-
hept
stan-

ende stantastighe meyninghe tot sijne Hooghheid? Hadde hy in
volle ghelontheydt alsulcke ghetuyghenissen ghegheuen / so lou-
den de gene hē geloofd hebben / die hem kennen / en die wten hoe
goedt-rondt wt dat hy ghewoon is te spreken / maer d'ander
loudent ghenomen ende bediet hebben so sy ghewilt hadden.
Maer doen sy leuen aen eenen draedt hinck / ende hy de naeckē-
de doot verwachtte / ende alle sijn Medecijn meesters ende die-
naers oock mede / so is dit ghetuyghenisse van eenen ieghelicken
ontfanghen gheweest als heplich ende godtlick: Ende de Spa-
niaerden moghen wel vjelijck dencken / hoedanich de werckin-
ghen van dusdaenige ghetrouwichheidt zijn ende noch sullen we-
sen: ende ist dat heur hoouerdijē ende opgheblasenheyt hen belet
dit te verstaen / so sal den tijdt hen meer leeren dan sy wel sullen
begeeren / te weten dat dese quetsure alle toecomende quaedt ver-
moedt en wantrouwe gātschelick benomen en wtgeroept heeft /
ende de herten met so vasten bandt tsaemen ghevoeght / dat alle
des Cardinaels behendicheydt ende schalckheyt / noch alle de
omsettinghe met ghiften ende gauen die de Spaniaerts voort-
stellen / niet en sullen connen doen schieten eenighe plante van
tweezacht in de herten van d'een oft van d'andere: ende mogen
daer teghen kennen wat sy moeten breefen van de eenicheydt en-
de eendzachticheydt van de twee Staten / te weten / van Vlaen-
dijck ende van de Neder-landen.

Maer in-dien wy de quetsure willen aenmercken / daer in is
eenen afgrondt van miraculen gelegen: Den slach was ter sulcker
steden deurghegaen / dat gheen medecijn noch chirurgien en sou-
de connen ghelooouen dattet gheneselick waere gheweest / en had-
de hijt niet ghesien: ende de ghene oock die daer ouer hebben ge-
gaen om te ghenesen / bekennen dat Godts werck daer in ghe-
pēbaert is / en dat de wonde waerachtichlick besproyt is geweest
met de tranen van so veel deughdelicke menschen / ghelijck met
een olie oft welriekende balsme: iae dat oock wel te verwonde-
ren is / descheut merckelick van den Spaniaerd so nae by ghe-
schoten / dat het vier in des Princen baerdt ende haer vlooch /
welck de moordenaer meynde de naeste oorlaecke des doodts te
zijn / is d'oorlaecke van ghenesinghe gheweest. Want so een vā
de stroot-aderen ghequetst was / ist seker / in-dien het bloedt niet
by extraordinarisen weghe ghestopt en hadde gheweest / dat geen
medecijn noch chirurgie in tijds en soude hebbē connen comen /
het bloedt en soude met sulcke ouervloedicheydt wt gestort heb-
ben / dat de doot hem eer soude ouervallen hebben / eer men de
eerste ghereedtschap daer toe hadde connen ghedoen. Maer
want den scheut so nae by was geschoten / dat de mondt van het
pistolet aen het vel gheraecte / so heeft het vier / welck met het
loot in de wonde is ghevlogen / de aderē ghecauteriseert / also dat
het bloedt op den seluen ooghen-blick ghestelpt werdt / noch t'en
liep niet

liep niet meer tot dat het rooſſcken van de wonde afviel/ te wel-
ken tijde/ de ~~Heer~~ erijn-meesters de wijle hadden om bequame
remedien daer toe te doen/ hoe wel de Prince doen wederom in
zeer groot verijckel was. Men hadde dan de Prince beur soo
veel verlies ende aerbeydts die hy beur dit landt so langhen tijdt
gheleden heeft/ anders gheen vergeldinghe/ dan een so wtneemen-
de ende treffelicke ghetupghenisse als hem doen ter tijdt van alle
t'volck ghegheuen werdt: wie soude hem dan moghen onsaelich
heeten/ dan de Cardinael van Granuelle/ de onsaelichste mensch
vander aerden/ wtghenomen sijnen Coninck? Alle verstandighe
mannen houden dat Pompeus wel gheluckich soude hebben ge-
weest/ hadde hy ghestozen doen die van Napels ende d'omlig-
ghende landen / nae sijn ghenefinghe hem te ghemoete quaemen
met bloemen ende alle teechenen van vlijticheyt: Maer mē mach
niet beter rebene segghen / dat noyt Prince noch Heere gheluc-
kichlicker ghequetst en is gheweest: naedemael dat dese Prince
in dese quetsure de merckelickste ende treffelickste ghetupgenis-
sen van den volcke ontfanghen heeft / die opt Prince oft Heere
beur hem heeft ghehad.

Is dat men wilt aenmercken tghene dat in dese ozloghe ghe-
schiedt is/ die hy teghen den gheduchtichsten Vorst van gantsch
Hierstenrijck aenghenomen heeft/ kan de Cardinael daer eenighe
rampsalicheydt wt gheraepen? Hy heeft veel moeyten daer niet
ghehad: Maer wat glozie/ gheluck oft salicheydt soudet wesen/
Hadde de Prince van Orangien d'ozloghe teghen eenen slechten
Edelman aengenomen/ ende tot sijnen vermere volbracht? Maer
dat hijt ghenomen heeft teghen eenen so grooten / machtighen/
ende gheduchtighen Coninck/ den welcken de gantsche werelt
doen vzeelde ende ontsach int middel van sijne victozien / als
hebbende alle dingen in sijn handt: ende de beurselde Heer Prin-
ce wt alle sijne goeden ghestooten was/ ende niet anders en had-
de beur alle middel/ dan alleenlick het fondament van een goede
saecke/ te weten van de vrijheyt van een goet volck teghen de
tyrannije: ende sulcken wtganck ghehad te hebben: dese saecken
sullen Wijnen-heer den Cardinael wel vertoonen/ wie de gheluc-
kichste van hen beyden is geweest. Want de Coninck van Spa-
nien heeft onspreekelicke groote costen ghedaen: het volck dat hy
daer toe aenghenomen hadde/ was zeer groot ende machtich van
ghetaele/ ende van de verbaerenste vander werelt/ die hen lie-
ten duncken dat sy de subrijlicheydt genoech hadde om de gehee-
le wereldt te regeren/ ende de sterckte om Europe te temmen/
ende gheldt om de gantsche Staten van Europe niet ghiften te
verlepden/ ende auctoritept om den anderen Coninghen vzeese
aen te laeghen. Maer het eynde van dit spel is/ dat de waepen-
nen van Castillie t'Anwerpen ende tot ander principaele plaet-
sen van Neder-landt afgheworpen zijn/ dat de Prince in Duc
d'Aluen

d'Aluen camer slaep/ende treedt met sijne voete/alst hem beliest/
den houel der houerdijsen/ daer dese tyran sijne hoouerdighe sta-
tue op ghericht hadde/ ende seyndt ende doet sijn lackeyen wan-
delen/ alst hem beliest/ter plaetsen die de Cardinael tot sijne wel-
lusten bereydt hadde. Het is wel waer dat de Cardinael seyt / dat
Godt hem bewaet tot een ander werck : dit is tghene dat wy ghe-
loouē/te wetē om te bolependē dit schoon werck/welck hy begōst
heeft aengaende de destructie der tyrannien/der hoouerdijē en-
de der moedt-willichēdt van de Spaniaerden/ om der gant-
scher wereltdt te kennen te gheuen wat groot verschil datter is
tusschen des Conincks van Castilie macht/ ende der Spaniaer-
dē geconterseypte ende geaffecteerde moyaerdijē en grootcheyt:
ende dat hy dan verbult wesende met alle geluck ende beurspoet/
alle den naecomelingen een zeer loffelike memorie achter-laeten
sal: ende dat hem nae sijne ouerlijdinge den titel van Alexicacos,
den welckē de hoouerdighe Duc d'Alue binnē sijne leuē si-seluen
heeft willen toe schrijuen/ sal verwillicht worden met een alghe-
meen consent van alle menschen/die bekennen sullen dat deur sij-
ne vromicheydt dit wonderlick Spaensch ghedzocht ouerwon-
nē is: en in diē noch iet daer af ouer-blijft/so sal dese nieuwe Her-
rules van Vranckrijck/gantschelick die memorie te niete doen/so
dat daer af gheen mentie meer op der aerden ghemaect en sal
worden/ niet meer dan van Buspris/Cacus ende Gerpon: ende
hy sal desen staet vast stellen in vrede ende rechtveerdicheydt.

Maer als men inwen Coninck wel nauw wil aenmercken: al
waert dat hem nae dese wereltdt alle dinghen wel ghinghen nae
sijnen ende nae uwen lust:mach men iet onsaligher vinden dan
eenen vader die sijn kindt om den hals bzenght: ghy sult segghen
dat hijt rechtelick ghedaen heeft:welck ick v t' uwer beliesten wil
toelaeten. Maer een vader van sulcke staet ende hoocheydt/en
is die niet de onsalichste van de wereltdt / die eenen sone heeft ee-
nich erfghenaem van so veel Coninck-rijcken / ghelijck hy ter
tijdt van de mooydt gheenen anderen en hadde dan Don Carlen/
ende bedwongen te zijn/iae met iusticie ende recht/also ghy segt/
hem om den hals te doen bzenghen? Wach onder de menschen
onsaligher creature wesen/dan een sone so ondancbaer ende on-
beleest teghen eenen sulcken vader als Keyser Carel is gheweest/
een Keyser van so grooten naem ende auctoriteyt/ die binnen sij-
nen leuen so groote rijckdommen sijnen on-saelighen sone hadde
ghegheuen/ende niet veur si-seluen ghehouden dan alleenlick
twee hondert dusent ducaten renten op Spanien/daer hy noch-
tans niet af en heeft ontfanghen/naedemacl hy sijne Coninck-
rijcken ouerghegheuen hadde? Een sone/ seg-ick / die sijnen
vader voorts sijn leuen heeft laeten verslijten met monicken/en-
de sijn voedsel doen raepen van sijne bagghen/die hem noch
ouerghebleuen waeren/ ende van sijne haeffelike goeden/ de
welcke hy

welcke hy moelste vercoopen ende te pande verletten omst-sel-
uen te onderhouden? Een ondancbbaer sone/die gheleden heeft
dat de Inquisiteurs in twijfel hebben gestelt oft men sijns va-
ders ghebeente soude ontgraeven / om verbrandt te worden/ als
van eenen ketter/ om dat hy in sijn dootbedde in de vierchte be-
kent hadde deur des Artsch-bischops vā Toledo onderwijfinge/
dat hy sijn betrouwen alleenlick stelde op de verdiensten Jesu
Christi / ende nergkens elders hope en hadde. Een onaerdich
sone/die alle de goeden van desen goeden Artsch bisschop ghenom-
men heeft / om dat hy den Kiepler totter doot toe byghestaen
ende van sijne salicheydt onderwesen hadde: ende heeft hem ghe-
uanghen ghehouden totter tijdt toe dat hy bewonghen is ghe-
weest hem te laeten gaen nae Roome / daer de goede Artsch-bis-
schop naedemael hy sijn proces ghewonnen hadde / met denijn
vergheuen is gheweest deur des Conincks dienaers/ van sorghe
dat hy wederom soude comen aen twee hondert dusent ducaten
iaerlicksche rente/die d'Artsch-bischdom van Toledo opbrenght.
Ende wat mach ter wereldt rampsaligher wesen dan een ghe-
houdt man/die sijn getrouwde huyfrouwe om den hals byngt/
de dochter ende suster van so machtighe Coninghen/moeder van
de opzichte ende eenighe erfghenaemen van Castillie? Mach
men onsaeligher mensch binden dan eenen sodaenighen bloedt-
schender/ die sijn eyghen niechte trouwt / ende nae haer doot
stelt hy sijn suster de Kieplerinne te wercke/ om sijn ander niechte
de douwagiere van Vlaenck rijk/des anders eyghen suster daer
toe te byngheuen dat sy hem tot eenen man neme: welcke hy noch-
tans op der Coninghinnen Elisabeths volstandicheydt ende eer-
baerheyt niet en heeft konnen ghewinnen/ hoe zeer dat hy daer
op wt is gheweest. Maer wat mach doch iammerlicker zijn dan
dese bloedt-schandighe Coninck / die te Brussel tseffens op ee-
nen tijdt twee susters/ dochters van eenen backer by het stadt-
huys/ heeft onderhouden/ende beyde met kinde ghemaect? Des-
se Coninck / die eenen armen Prince met gheweldt heeft doen
trouwen sijne concubijne die hy hem kindt droegh/ende heeft de-
sen sone in dit ouer-spel ghewonnen/erfghenaem gemaect / dat
is/dief/ van des verurpden armen Princen goeden. Iffer iet
ter wereldt so iamerlick als een onverdaghelick tyran / die in
Indien de arme menschelike creaturen doet steruen met mi-
lioenen/ gelijk rupsenen? Die sijne oude onderlaeten van Pe-
der-landt/die hem tot t'hoochste van sijner eeren hebben ghe-
bracht / met allerley wreedyghheyt ende grouwelike onbeleef-
heyt ghetracteert heeft: ende den Duc d'Alue ende sijne trou-
wanten vercozen heeft tot instrumenten van sijne tyrannie? Een
tyran die tegen alle godtlike ende wereldtlike rechten de croo-
ne van Portugal gheweldichlick heeft aenveerd / doen de Sta-
ten des Coninck-rijcks bereedt waeren het vounisse te wijsen
nae de

nae de rechten / wien het beurslepde Coninck-rijck toebehooren soude? Int cort ghelept / v Coninck is een Prince die si seluen laet duncken te hebben de schoonste priuilegien vander werelt / ende besonder in dese landen / de welcke ick v ordentlick sal schryuen / op dat ghy meught verstaen / oft een sulcke Coninck gheluckich is oft niet.

1 Ten eersten / dat hy van den Paus dispensacie mach vercrijgen ende vereregghen heeft / van alle de eeden die hy gedaen heeft van de priuilegien der Neder landen te handt-hauen ende te onderhouden: en dat hy by cracht van dese dispensacie / tegen sijnen eedt mach alle ordiancie ontfooten / ende van allen disponeren nae sijn deuotie / ende nae sijner dienaren passien.

2 Dat hy teghen sijnen eedt byendt crighs-volck int landt mach brenghen / ende in garnison stellen / casteelen maerken sonder der Staten verwillinghe / om met gheweldt ende tyrannije alle de ghene te bedwinghen die hen daer teghen sullen willen stellen.

3 Dat hy sonder beurgaende informaticien de Ridders vander orden mach doen appzenderen / heur-lieber proces doen maeken deur Spaniaerts ende ander volck dat hy daer toe verliosen heeft / sonder de broeders ende ridders van de orden tsaemen te roepen ende te ontbieden / de selue ter doot doen executeren met den sweerde / int gheuanchenisse te doen verwozghen / iae oock de ghene die van des landts wegghen tot hem ghesonden worden / met verghift om te brenghen.

4 Dat hy mach doen ende insetten alsulcke oplichtinghe van penningen ende schatttinghen op het volck iaerlick en ewichlick sonder der Staten verwillinghe / als hem beliest: Dat hy de steden die hen daer tegen stellen / mach condemnieren dat heur stadtmuren afgeworpen worden / en de mannen die d'wozdt voeren / op onredeliche ende onmaeteliche anennden.

5 Dat hy sulcke placaten ende inquisitien mach doen ende publiceren als hem beliest / sonder der Staten aduys ende consent: en alle de ghene ter doot brenghen die hen by wegghen van rechte daer teghen stellen.

6 Dat hy om de auctoriteyt der Staten te brenghen / en dienaers ende executeurs van sijne inquisitie te hebben / nieuwe Bisschoppen mach instellen / hen wt sijn epgghen auctoriteyt en sonder der Staten consent der Abten goeden assignerende.

7 Dat de ghene die requeste presenteren die hem noch sijnen Spaniaerden niet wel aen en staen / gecastijt moeten worden als van crimen lese maiestatis.

8 Dat hy nieuwe Raeden mach instellen / ghenoeint de Raeden van trouble oft Bloedt-raeden / den welcken alle macht ende absolute auctoriteyt ghegheuen is / iae oock bouen de hooghe Raeden ende Parlementen van Neder-landt.

9 Dat hy

9 Dat hy de Pacificatie van Ghendt / ende het eewich Edict mach by eedt approuberen / ende sijne eedt byken / als hem dunckt dat hy ten eynde van sijne intentie is ghecomen.

10 Dat hem gheozloft is de ionghe Heeren van Brabant wt den lande en wt de scholen te hoeren / tegen den eedt van de Blijde inkomsten / ende de priuilegien van de Vniuersiteyt / ende die geuangenhen houden.

11 Dat hem gheozloft is / den inwoonders van desen lande te verbieden / bytens landts te gaen studeren / ende elders dan in Neder-landt te houwelicken.

12 Dat hy houwelicksche trouwe mach belouen om sijn boelschap tsignen wille te crighen / ende voortz sijn belofte doen verbranden deur sijnen Cancelier / ende met de bedrogen ionck-vrouwe sijnen spot houden.

13 Dat hy sijn huysvrouwe / als hy die moede is / met venijn mach doen vergheuen.

14 Dat hy sijnen sone mach dooden / deur dien dat hy ouer de iamerlickheden van Neder-landt deernisse heeft gehad / ende de bloet-raeden van Duc d'Alue niet gheapproubeert.

15 Dat hy teghen Godts wet sijn niechte mach trouwen / ende nae haer doot des ouerledes suster oock sijn niechte mach trouwen / en waere de veursepde ionck-vrouwe niet wijser dan hy ende haer moeder.

16 Dat hy al tseffens met twee gesusters te doen mach hebben.

17 Dat hy de ghene die hem goet dunckt / mach doen verghiften ende vermoorden / ende alle de gene edelmaecken die so boos zijn / dat sy hem tot d'executie van so leeliche acten dienen.

18 Dat hy het Coninck-rijck van den Coninck sijnen ghebuer mach innemen / ter wijle dat het recht van het Coninck-rijck in Justicie staet.

19 Dat hy met den Tozck bestandt mach maecken / om het Christen-rijck te vernielen.

20 Dat hy Ambassadeurs mach senden aen den Coninck van Marroques ende van Fes / om hem te congratuleren de victorie die hy teghen sijnen coulijn Coninck Don Sebastiaen vercreghen heeft.

21 Dat hem gheozloft is thien oft twaelf millioenen menschen in Indien te doen dooden deur sijn plaisir.

Siet mijn-heer de Cardinael uwes Conincks priuilegien / ende hy wil niettemin Catholijck Coninck gheheeten worden.

Ich laet v nu ordeelen / ten minsten ist dat v noch iet verstandts ouer schiet / oft hy sulck wesende een gheluckich Coninck is / al waerdts also dat hem anderssins alle dingen nae sijnen wensch gheschiedden. Maer als ghy sult aenmercken tghene dat hy alreedyt verlozen heeft / welck v niet en kan onbekent wesen / ende tgene dat hy noch eer luttel iaeren verliessen sal: so zijt ghy zeer blindt

blindt gheworden/in-dien ghy niet en bekent dat uwe onmaete-
liche eerghiericheydt niet alleen de Christelike Vorsten so groo-
telick verweckt heeft om hem de bloghelen te roeten / ghelijck sy
hem alreedyt zeer ghecozt zijn / maer oock de Barbaren ende on-
ghelooouighen/dat zeer te besorghen is/hoe wel hy oudt is / ende
ghy oock mede / dat ghy nochtans hem noch wel moecht sien
tracteren op de poorten van Seuille oft van Madryd / ghelijck
Campsoen op die van groote Caire is gheweest. Heet nu ee-
nen sulckē Coninck geluckich / verciert met so veel schoone deug-
den / die schandelick wt so schoonē landt verdrueuen is / niet so
zeer met gheweldt / als met ghemeyne verwillinghe des volcks
welck eenen grouwel heeft van de tyrannijen ende wreedtheden
van eenen so onsaelighen Coninck. Aensiet ter ander syden den
Prince van Orangie / van den welcken men mach seggen t'ghene
dat van Aeneas gheseght wordt: Nulli pietate secundus. ende
aenmerckt sijn gheluck ende veurspoedt/ende hoe Godt deur sijn
ne veursichticheydt hem gheweghet ende gheleydt heeft deur
busent ende busent perijckelen ende busent reysen/doen ghy ende
uwen aenhanck meyndet dat hy verdruct ende oueruallen was/
dat Godt hem wederom heeft opghericht ende doen comen tot
t'hoorchste van eere ende glozie die ouer gantsch aerdtrijck schijnt
ende schijnen sal/ also claelick als uwen naem bekent ende ee-
wich sal wesen met den naem van Pilatus ende van Judas. Ik
dat alle sijn veurleden leuen/welck v niet onbekent en is/vt ghe-
ne niet en kan bewijsen dat ick segghe: so aenmerckt ten minsten
dese wonde/ende aensiet hoe die is geweest / ende hoedaenich dat
de ghenesinghe is / so sult ghy bewinden dat Godt selue met sijne
handen dese quetsure ghenesen heeft / ende dat de ghene die by
Godt ende by alle vrome menschen so wel bemint ende liefghe-
tal is / niet en mach rampsaelich gheheeten worden / dan van ee-
nen loghenaer. Waer naedemael dat ghy d'andere rampsaelich
ende ongheluckich heet / so laet ons eens sien hoe gheluckich dat
men v met goeden rechte mach houden. Het is wel waer/in-dien
ghy v ghedzagen hadt als een man met eeren/ghy hadt een groot
voordeel/ ghebozen te zijn van eenen vader die zeer goet van
verstande was / die v ende uwen broeders veel goetds achter-
ghelaeten/ende v in de affairen van state opgheboedt / ende tot
grooten ghelooue gheboordert heeft: maer in stede van v een
wijs man te maecten/ gelijck sijn meyninghe was/ so is de boof-
heyt van uwe nature alsulck geweest / dat ghy loos ende sihalck
zijt geworden/den aerdt van eenen Vos ende van eenen Tigher
bedecktelick boerende / waer deur ghy de saccken van uwe mee-
sters so wel beschickt hebt/dat ghy deur uwe sotternij/vermete-
licheydt ende opgeblaesenheyt daer ghy vel af waert/ oorsae-
ke zijt geweest/oock teghen des Keysers adujs/van hem te doen
ballen in Hooch-duytsch-landt in den meesten noodt daer opt
groot

groot Woort hem seluen si heeft gheuonden : ende ghy maectiet
uwe stucckende vuylicheydt wel kennelick deur uwe oncuysche
byenen vol hoererijer / die niet uwe bagagie gheuonden werden
doen ghy al heymelick de vluchte naemt / hoozende den roep van
des deurluchtighen Hertogh Maurus wapchen . Onlanck
daer nae heeft v meester dien ghy nu dient / den peys van Cam
bresis ghepractiseert / waer af het principaelste opset deur uwe
raedt is gheweest / om de Inquisitie voozts te byenghen / allenwe
Bisschoppen te maken / om van uwe creaturen te hebben onder
de Staten / ghelijck ghy so sot zijt sulcks te bekennen in uwe bye
uen gheschreuen aen de Hertoghinne van Parme / ende de Stadt
van Anwerpen te tracteren gelijck Mexico / ende t' gantsch lande
ghelijck Peru / deur het groot ghetal van Spaniaerden die hie
noch ouer gebleuen waeren nae de oyloghe / ende sommighe va
staerdt plantē die den Spaenschen aerdt hadden . Maer souwe
schaedelicken raedt ontdeckt werdt / hebt ghy oock de poorte doe
openen / dat de Spaniaerden wt den lande gedzeuen souden wor
den . Siet dit is al van uwe gheluck ende veurspoedt . Ende
ghelijck met uwen secreten raedt van de Hertoghinne van Par
me / van Viglius ende andere / ghy niet op en hielt alle dingen int
berwert te stellen / meynede so veel verstandts te hebben als uwe
roode mutse hozenen heeft / ende de Heeren van den lande niet de
neuse te leyden / hebt ghy uwe saecken so wel bescheyckt / dat sy v
verdzeuen hebben ouer ghene sijde van tgheberchte / daer ghy
noch gheluckigher zijt gheweest dan herwaerts ouer : want uwe
hoererijē en hoouerdiē hebben v doen verdziuen wt Millan / wt
Roome en wt Papels / en ten aller leste / heeft s' Cardinaels hoer
dom en pacht / Goletta in t' verdriet ghebracht : Vleuen is ouer
al so onghebonden ende openbaer gheweest / dat v hups een boz
deel ende hoeren - cot was : so dat een Bisschop van desen lande
zeer gheschickt in de heylighe schriftuere seyde : Vede Mijn-heer
de Cardinael ten minsten tghene dat Sinte Pauwels seyt : facia
ris, sed caute. want men hadde den slechten geselle wijs ghemackt
dat Sinte Pauwels also sprack. Woude men v alle uwe ouerspe
len ende andere vuylichkeiten te veurschijn brengen / die men son
der schaenite niet en can ghenomen / ende die ghy onbeschae
delick bedzeuen hebt / men soude nimmermeer ghedaen hebben.
Ghy hebt v wel verstout deur uwes meesters beuel te comen tot
den ouerleden Keyser Maximiliaen / doen hy noch Coninck van
Beimen was / ende ghy hebt hem verghuen : welck hy verclaert
heeft tot het eynde van sijn leuē toe / maer en heeft dat niet open
baerlich derren vercondigen / om uwen meester niet te tergen oft
te vergrammen . Ghy seght dat ghy een Prelaet zijt vander
kercken : ende nochtans maect ghy ghemeynlick een guphel
spel van Godts woort : ghelijck uwe dagelicksche woorden wel
betuyghen : Als ghy wilt betoonen dat de arme menschen groue
spijse

spijse moeten eten/ende de rijke ghelijck ghy/het cleyn gebrente
 ende de lacker beethens / so bewijst ghy dat (seght dy) met het
 woort Gods/ die seyt: Esurientes impleuit bouis, & diuites di-
 misit in aues. Onsaelich mensch/ ghy mocht wel vreesen dat de
 ghene met diens woort ghy spot/niet en volbrenghe tghene dat
 ghy seght / ende te dimitat in aues; te weten / dat v d'ichaeit oft
 pyne aen worde veur de rauen/ ende uwe siele veur de swerte vaa
 ghelen der duysternissen. Ende voorts alle dusdaemighe beugh-
 den hebbende / meynt ghy zeer gheluckich te zijn als ghy uwen
 meester hebt doen verliezen de schoonste bloeme van syner croo-
 nen/ende hebt daer mede doen croonen Jhinnen-heer den Her-
 togh van Brabant/den welken hy nae den Prince van Orangie
 meest haet onder alle menschen/ ende heeft alle middel ghesocht
 om h' d'leu ete nemen. V dunckt dat ghy een vromseyt heb ze-
 uen hebt/dat ghy den handel v' Portugal so wel hebt helpen be-
 schikken deur uwe aeflaegē met dē Paus die noch meer Spaelsch
 is dā ghy/en voorts deur de heymelicke practijckē met sonnige
 Heeren van Portugal/en berraeders v' heur Coninck-rijck; dat
 v Meester den oprechten en natuerlickē Coninck verdreuen heeft
 met geweld van wapē/ doen de saecke v' het Coninck-rijck noch
 int rechte stont: maer ghy sult coets uwen Coninck sien verliesen
 Indien/dat is/sijnen goudt. cupl/de grondt ende tfondement van
 sijne tpranjen/ bedriegherjen ende boeuerjen. Ghy sult hem
 wel haest so nauw besloten sien van de palen van Afrysche / ende
 so diep binnen Spanien/ daer hy ouermidts uwen raede also ge-
 haedt wort in Castillie ende Arragon ende van de meeste / dat
 ghy noch binnen uwen leuen niet bedwauch sult moeten segghen
 ende bekenen/dat ghy de rampsaelichste pape zijt die onder den
 hemel mach wesen. Ghy zijt so sot ende onuerstandich/ al meynt
 ghy selue te wesen een vat vol van alle schalckheydt / dat ghy
 also haest schrijft tot uwe verderffenisse als tot uwen proffyte:
 Ghy zijt so rampsaelich/dat uwe bziuen in onse handen comen:
 ende hoe-wel ghy v meer dan dusent mael beroemt hebt dat ghy
 de meeste constenacer vander werelt zijt in cijfer-gheschrift/so is
 de cijfer die ghy gebuyckt ende met uwe eyghen handt schrijft/
 also constich ende subtyl/dat een cleyn kindt die so wel soude le-
 sen als sijn lesse: aldus hebt ghy deur uwe beurgaende bziuen
 die int veurleden iaer ghedrukt zijn gheweest / de rampsaelighe
 Abten bedrogen / die hem veel te slechtelick hebben laeten ver-
 leypden deur uwe beufelen ende loghenen. Ghy zijt so onbeschee-
 den/dat ghy heel onbeschoftelick schrijft van de Spaniaerden/
 ghelijck men heeft ghesien by uwe beurgaende bziuen die oock
 ghedrukt zijn gheweest int veurleden iaer: ende nochtans zijt
 ghy tusschen heur clauwen ghestelt ghelijck tusschen de clauwen
 van eenen litchendief. Ghy berecht Duc d'Alue / ghy misprijt
 syn werken; ende ghy zijt so bot ende onbedacht van te geloof-
 uen/dat

uen/ dat hy b wel so lichtelick sal becleppen als hy Escroueda
heeft ghedaen / den welcken hy d'leuen heeft doen verliesen om
dat hy van hem gheclapt hadde. Hoe veel sotternijen/ ghecker-
nijen ende ongheschickte beuselrijen staen in de leste bzieuen die
nu int licht ghebzacht zijn. Mepnt ghy dat dese Heeren ende
Jonckerkens daer ghy dese slupten ende bueselen aen schijft/ noch
so slecht zijn dat sy niet en verstaen dat uwe bzieuen niet anders
en zijn dan wywaeter van den houe? Mepnt ghy dat de Vicon-
te van Ghendt/ den welcken ghy so zeer prijst dat hy so wel de ba-
ne ghemaeckt heeft om de Spaniaerden wederom te doen co-
men/ tghene vergheten heeft dat hy selue in volle Staten tot den
Prince van Parme seide/ doen men op dit seft beraedde/ dat hy
nochtans uwen Coninck oodemoechlick was biddende/ dat hy
sijne handen in sijn bloedt niet en soude wasschen. Montigni
begheert het gouuernement van Vlaenderen: ghy draelt ende
spot vast met hem: en maecte ghy dattet hem ghegeuen werde/
so en soudt ghy hem gheen groot present ghedaen hebben niette-
min naedemael ghy hem hoochelick hebt gheprezen/ dat is/ ghe-
flatteert/ so en derft ghy niet van aduys zijn dat men hem eenige
saecke betrouwe: aldus is hem het gouuernement van Doornick
ontseft gheweest / so salt oock vaeren met tghene van Venegou-
we/ oft men sal hem ten minsten eenen momboor willen gheuen.
Ende in-dien de Viconde van Ghendt het gouuernement van
Artois niet en hadde/ hy en soudet nemmermeer krijghen. Ghy
zijt so ongheschickt/ dat ghy den pot met roosen ontdekt hebt/
verclaerende welck uwe ende uwes meesters' eyndelick opset is
gheweest met de instellinghe van de nieuwe Bisschoppen/ te we-
ten om verweruinghe te hebben onder de Staten: ende niettemin
was de welbaert ende onderhoudinghe van t' Catholijck geloo-
ue ende kercke/ het momaensicht ende het beurspel van alle pla-
raten ende ordinancien. Siet hoe dat ghy met de Christelike re-
ligie spot/ ende v daer mede alleenlick behelpt om goet te krij-
ghen / ende een bederf sel te hebben tot uwe boose practijcken.
Ghy toont oock dat ghy alle dinghen weet / als ghy schrijft dat
de Coninginne des Conincks van Vranckrijck moeder iemande
ghelonden heeft van Marseille/ om den Tozck te verwecken dat
hy hem wapene teghen uwen Meester: recht als oft de Conin-
ghinne moeder dese saecke niet en soude connen beschicken (in-
dien sy woude) deur den ordinaris Ambassadeur residerende te
Constantinopel: als oft sy de twee Ambassadeurs van den Tozck
die desen beursleden winter in Vranckrijck zijn gheweest/ niet en
hadde in handen ghehad. Ende mepnt ghy dat de Fransoisen
so bot zijn/ dat sy niet en weten dat de wech van Venegie en van
Raguze lichter ende ghemackelicker is deur Griecke landt / als
die van Marseille deur Egypten ende Surien? Maer ghy zijt
een groot Doctoer/ ende mepnt alleen meester te zijn/ ende alle
dinghen

dinghen te weten/ende dat alle d'ander beesten zijn. Maer op
 dat ghy weet dat ghy een opgeblaesē sot zijt / so sal ick v seg-
 ghen waer om dat de Coninghinne ghesonden heeft van Mar-
 seille: ende hadt ghy uwen bril op den neuse gheset / so hadt ghij't
 moghen sien. En weet ghy niet dat sy de bescherminghe van
 Portugal aenghenomen heeft / so wel in heuren naem als pre-
 tenderende recht deur haer hooft / ende als beschermersse van
 Don Antonio: Ist dat ghij't niet en weet / so sult ghy't wel haest
 weten / als ghy sult sien den ionghen sone van den ghenen die op
 lijnen arm schreef: nostris ex ossibus vltor: als ghy hem sult (seg-
 ick) de waepenen van Castillie ouer de gantsche wilde zee sien af-
 recken. Deurwaer hadt ghy dese dinghen bemerckt / ende op
 welke sijde de schip-baert van Marseille streckt / te wetē / in Alex-
 andrie in Tripoli van Surien / te Halepo / so hadt ghy moghen
 leeren dattet den rechten wech is / om te lāde te gaen waerschou-
 wen den Viceroy van Indien / dat de Coninck Don Antonio
 sijn meester noch de wapenen in de handt heeft / om hem te wre-
 ken van uwen tyran: ende ten aller minsten moet ghy nu tegen-
 woordichlick daer wat af weten / als ghy siet dat de Viceroy dien
 v meester daer hadde gesonden / gheuanghen is gheset / ende vast
 gheketent deur des Conincks van Portugal getrouwe onderla-
 ten. Ick dencke nu wel dat ghy v gheluckich meught heeten /
 als men v so groote dinghen leert / ende dattet v niet veel en cost.
 Oock en is uwe onbescheedenhepdt niet minder / als ghy betoont.
 so grooten lust te hebben dat v meester in ozloghe come teghen
 den Coninck van Oranckrijck: want v meester is hier in wyser
 dan ghy / dat hy in een so swaere ende sozghelicke ozloghe niet en
 wil comen / die hem in cozter tijdt gantschelick t'onderbrenghen
 ende in den grondt bederuen soude: maer den grooten haet dien
 ghy tegen de Fransoisen draecht / verblindt v also / dat ghy voort
 sonder verstandt ende discretie zijt. Ghy sepdit in uwe andere
 beurgaende brieuen / dat de Fransoisen lichter te slaen zijn dan te
 drepghen: nu tegenwoordichlick seght ghy / dattet wonder is dat
 men heur clepne macht niet en kent: ende ghy onsaelich mensch
 en siet niet de onmacht van Spanien / die ghenoech ghebleken is
 in de ozloghe die de Prince van Orangie onderhouden heeft met
 so luttel middels / ende heeft nochtans met gheweldt ende met
 raedt alle uwe Spaniaerden deurgheholpen / ende logeert op den
 dach van heden in heure beurige sloten ende casteelen / welck een
 treffelicker victorie-teecken is / dan de hoouerdighe statue van
 Duc d'Alue. Ghy en verstaet niet / als uwe Coninck dit landt
 verlozen heeft / dat van de Franssois een klepne sterckte houden-
 de int Marquisat van Salluces / ende wat garnisons nae Nar-
 bonne ende Carassone / gantsch Spanien ende Italien in be-
 dwack hout. Ghy en verstaet niet aldus sprekende en seggende dat
 Mijn heer de Hertog van Brabant niet eenē voet en verlet sonder

de wete van den Coninckijnen broeder ende van de Coninginne
sijn moeder/ dat ghy hier met eenen Coninck terghet ende crept
die op eenen corten stont uwen Coninck van ghene sijde van
tgherichte can drijuen/ ende so nauwe besluyten dat hy de croo-
ne van ws meesters hooft can afnemen/ ende die eenen veteren
man gheuen/ ghelijck sijne beursaten deur de vromicheydt ende
wylse beleydinghe van den vromen Ridder Bertrand van Gues-
clin de croone van Castilie ghebracht hebben in de handen van
den Bastard Don Pedro/ uwes Conincks beursat. Maer bo-
uen al toont ghy v seer discreet/ als ghy seght: dat dit recht waere,
in-dien men Mijnen-heer den Hertoghe van Brabant stelde in uwe
bloedigherighe hande ende uwer ghelijcke, om ghetraecte te wor-
den nae sijn verdiensten. Onsalighe Cardinael/ vol van alle grou-
welichheyt ende wreedyheyt: in-dien Godt woude/ welck hy
niet willen en sal/ dat hy deur ozloghe gheraecte te vallen in des
Conincks ws meesters handen/ wat raedt soudt ghy gheuen?
Godt heeft ghewilt dat sijn grootvader gevanghen werdt/ ende
corts daer nae sach men den keiser in des Conincks van Brant-
rijck handen. Hadt ghy doen ter tijdt voys ghehad int Capitel/
wat soudt ghy gheraeden hebben? Maer ghy betrouwt v op
den humeur van uwen meester/ die ghy wel weet dat sijnen sone
ende sijn wijf ghedoodt heeft/ ende sijnen behouden broeder ende
gherechten neue den Coninck van Bernerlandt deur uwe han-
den heeft doen vergiften: ende meynt ghy dat hy sijnen anderen
behouden broeder min soude doen? ende also mochten wy van
hem wel segghen: At non ille satum quo te mentiris Achille, Talis
in hoste fuit. Doch zijt ghy excellent/ als ghy den ghenoechelic-
ken ghel wilt spelen: ende want v het woort Durate so wel be-
haecht dat ghijt veur v deuse ghenomen hebt/ so maect ghy
een groot ghelach ende gheschach op durabit/ ende maect daer
af een dur habit, welck ghy op v Borgondtsch noemt (want ghy
hebt desen briez met v eyghen handt gheschreuen) een borst-weer
van ijser. Ende daerentusschen contrefeyt ghy den Propheet ghe-
lijck Caiphaz/ als ghy segt/ dat de maendt van May noch niet
gepasseert en is/ binne de welcke ghy meyndet dat uwen schelm-
schen aenslach van Kijn-heer den Hertog van Brabant te doo-
den/ te wercke soude gheltelt worden. Maer Godt zij ghelooft/
de maendt van May ende van Junius zijn beyde gepasseert/ en
sijne Hooghheyt baert zeer wel/ ende veel beter dan ghy begheert.
Ghy weet veurwaer wel wat ghy doet/ so gheluckighen die-
naer zijt- dy/ te weten/ ghelijck deur de behendicheyt van uwen
volcke noch in de herten van sommige slechte menschen een ach-
ter-dencken was/ als datter heymelick verstandt was tusschen
uwen meester ende onsen; so hebt ghy dese reste van wantrou-
wichheyt gantschelick wech ghenomen/ ende hebt den staet hel-
pen versterken in de handen van Kijn-heer den Hertogh van
Brabant:

Brabant: aenmerckt nu hoe gheluckich dat ghy zijt / als uwe
 faelien so veurspoedighen voortganc hebben / ende so wel t' u-
 wer vernoeghinghen. Ghy haerlt nae de doot vanden Heer
 van S. Aldegonde: is dit de vergheldinghe die ghyijnen hupse
 doet / van welken ghy outfanghen hebt al wat ghy hebt: want
 ghy weet wel dat sijn groot vader uwen vader die maer eē slecht
 procureur van Dole was / tot des Keplers dienst aenghevoert
 heeft: maer ghy hebt by uwe andere qualiteyten oock dese bloe-
 me van ondancbaerhepdt willen byvoeghen. Mengaende uwe
 brouichepdt ende verchessinnichepdt / die wordt so wel in ciepe
 als in groote dinghen bekend. Ghy wilt dat dese arme Deken
 van Sinte Goelle v groosten danck wete / dat ghy hem een so
 schone present hebt ghedaen midts hem resiguerende het
 Aartschbischdom van Mechelen: maer hy hadde lieuer hondert
 eronen wt uwe boze. Waer dat hy v resiguerde het Patri-
 archschap van Jerusalem / oft het bischdom van Bethlehem / oft
 sijn Dekenschap / hy soude v veurwaer van ghelijcke doen. Want
 ghy sondt v seluen also seer becommert vinden met t' ghebyrck
 van dien / als hy met v Aartschbischdom belammiert sal zyn. Ghy
 hult v wel wachten van hem te resigueren d' Abdije van Sint
 Amand / midts dat ghy daer af noch wat gheniets hebt. Dit is
 Mijns-heeren des Cardinaels liberaelhepdt ende mildhepdt.
 Voorts is hy oock een zeer gheleert ende verstandich man / ghe-
 lijck men aen een van sijn stucken mach mercken. Want in een
 van sijne brieuen met sijne eyghen handt geschreuen / daer hy seyt
 ende tseffens sieght / dat de Tork een seker ghetal hooft-lieden
 ende soldaten sendt tot de ozloghe van Perse / willende segghen /
 dat de Tork twee Sangiaquen sendt / so schrijft hy dat hy twee
 fant Jacquen sendt / ghelijck de Spaniaerden san Diegos heb-
 ben. Oock dunckt v dat ghy een groote schalckhepdt gheuon-
 den hebt / als ghy schrijft dat de ghedesunieerde Provincien een
 zeer goet fondement hebben ghenomen van de Spaniaerden
 wederom te ontbieden / naedemael dat d' andere Provincien niet
 tsaemen weder gheunieert en zyn / deur de absencie der vren-
 dinghen. Maer ghy zijt zeer wel gheschickt om de ghene te be-
 drieghen die bedrogghen willen zyn. Mepnt ghy dat wy niet wel
 en weten dat v ionckerken ende mopaerdeken de Prince van
 Parme / oft uwe clepne nieuwe Altese ende Serenite vren-
 dt is? Mepnt ghy dat ons onbekent is / dat hy de sone is van Octauio
 Farnese / soonken van den vernaemden Pierre Louis? dat hy te
 Roome geboren is / ende des haluen edelder mepnt te zyn? Mepnt
 ghy dat wy niet en wetē wie Nobles / Verdugo ende Mandragon
 zyn? ende dat de benden ende hoopen gheboedert ende gemengt
 zyn met Spaniaerden / ende dat de hooft-lieden van desen lande
 elck eenen Italiaenschē oft Spaenschen school-meester hebben?
 Waer t' is ghenoech dat ghy eenen loeper hebt om de voghelen in
 de clam-

de clampen te doen comen: noch ghy en denckt niet dat die van
Artops ende Henegouwe metter tijdt v boeuerije ende bedroch
sullen moghen verstaen: Ende al ist dat de Heeren also betoo-
uert zijn deur de versierde beloften ende titlen / dat sy dit niet en
connen ghesien: oft deur heuren haet ende nijdt achterghehouden
worden om wederom op den rechten wech te comen: sullen daer-
om de goede steden hen willen laeten destrueren ende bederuen/
om de passien van sommighen / ter wijle dat Mijn-heer de Car-
dinael sijn boelschap ghebruyckt te Madrid? ende om uwe
hoochste wijsheyt te laeten blijcken / so denckt eens op tghene
dat ghy met uwe eeghen handt aen Mozillon schrijft/ aengaende
uwen broeder: Want ten eersten leert ghy ons onse lesse / ende
beurwaer dies te meer so ghy ons meerder vbandt zijt / ende van
stonden aen maect ghy sloten ende vaste ketenen om uwe broe-
der wel vast ghesloten te houden. Ist dat ghy aldus ghebrer-
kelick valt aengaende uwen broeder / wie en kan doch uwe on-
berstandicheyt niet verstaen? Ghy sult segghen/ dat ghy niet
en dachtet dat dese vrieuen ghenomen soudent worden/ ende dat
tet een ongheluck is: Welck ick v wel toelaete/ te weten dat ghy
niet wijs en zijt / midts segghende / non putabam: ende dat ghy
ongheluckich zijt/merckelick siende dat uwe raeden ende aenlae-
ghen int licht worden ghebracht tot achterdeel van uwe aller
naeste vrienden. Int cozt gheseyt/ ghy zijt het oprecht peerdt
van Seia/ ende t'goudt van Tholosa: want noyt menschen had-
de met v te doen/ t'en is hem quaelick becomen: so dat ghy moet
comen in de Chiliades van Crasimus / in de selue Centurie van
t'gout van Tholose / so dat men daer by sal voegghen den Cardi-
nael van Granuelle/ deur eenen rampsaelighen ende onghelucki-
ghen/ende die alle sijne meesters ende vrienden verlozen ende be-
dozen heeft.

Wat sal ick seggen van desen onsaeligē Añastro? Laet ons ten
eerste aenmercken sijnen raedt: Om den naem van banckerottier
te schouwen/ heeft hy een so schandelicken en grouwelickē werck
aengenomen/ en heeft coop gemaect pretioappretiato, met dē Co-
ninck van Castillie / midts het onderwindt van Alunsa/ deur
tachtentich duisent ducaten. Maer hoedanigē eynde heeft dit ge-
had? Dat Añastro die vreesde banckerottier bekennt te zijn op de
borse van Anwerpē/ nu de gantsche werelt deur is bekēt / en ver-
wesen deur sijn eeghen vrienden ende magen/ niet alleenlick banc-
kerottier / maer oock moordenaer / ende een bloode moorde-
naer die selue niet en heeft dorzen sijne schelmerije te wercke stel-
len/ verleydt hebbende eenen armen deerlicken mensch/ den welc-
ken hy op een vlee ch-bancke heeft gebracht met noch eenen an-
deren sinnen dienaar/ beyde ionghe menschen / sae daer toe oock
sinnen biecht vader. Hoedaenich sal dan het leuen van desen
schelmischen Añastro wesen / die nu oock veracht wordt van de
ghene

ghene den welcken hy si seluen vercocht hadde / ghelijck als sijn
maeckeler Alunsa in sijn eppen vrieuen ghenoech betuyghet / die
de prope wil deplen / effen ghelijck de ghene die de huydt van den
beper wouden deplen eer hy gheuangen was / iae die sijnen ep-
ghenen vader wil bedrieghen veur sijn deel. In Spanien en is
gheen betaelinghe te krijghen / aldus wordt hy voort ghelonden
op de draoghe ende maghere financien van de arme Malconten-
ten. En is dit niet de rechte betaelinghe die dese ghehuerde
doodtslaegher / snoode banckerottier / ende vertwijfelde schelm
verdient heeft? Doen de Prince van Parme versekiert was van
sijn heeren des Princen doot / so gaf hy hem lijf-schutten / hy
vereerde hem als een Prince / ende hiel hem by hem: daer nae is
hy van alle de werelt verlaeten gheweest als een bloo schelm.
Veel segghen dat schaede is dat hy onder des beuls handen niet
doot ghebleuen en is. Maer t'waere schaede dat hy doot
waere: want hy sal daghelicks thien dusent dooden steruen. De
verschickingen sijner consciencien sullen hem in de verdoemde
ziele ghenoech quellen / ende hy sal voort als een schouw-
spel wesen veur alle menschen. Ist dat hy in Spanien comt / hoe sal
hy daer mogen ontgaen de handen van de vrienden ende magen
van dese twee ionghe ende vulpsche gesellen / die hy in heur doot
ghebracht heeft? Wat werck sal de Coninck van Spanien van
hem maken / die nu alreedyt met hem ghecht ende spot? En sal
hy hē niet met goeden reden andrwoorden / dat hy hem niet schul-
dich en is / naedemael hy d'werck niet volbracht en heeft? iae in-
dien men iet schuldich is / dat selue Jaureguy aengaet / die den
nach gegheuen heeft? Ende dat hy hem alreedyt wel voldaan heeft /
midts hebbende een so schoone capelle ghesticht t' sijnereeren / en-
de maekkende dat hy ingheschreuen worde in het Martelers
boeck / dat is / om te volbrengen tegene dat in de Gulden Legen-
de staet gheschreuen: Multorum corpora venerantur in terris, quo-
rum animæ cruciantur in inferis. En sal hy niet segghen dat
Aluastro eenen bloeden schelm is geweest / die niet en heeft dorren
waghen?

Siet dit is de vergheldinghe van Spanien. Ende aengaende
dese arme ende maghere nieuwe Altesse / veurwaer hy soude wel
gheluckich zijn / hadde hy wat om sijnre moeder te gheuen / die te
namen van catjuicheydt ende armoede heel cranck ende flauw
wordt / iae dat noch argher is / van groote schaemte / om dat sy so
quaelick van heuren sone ghetracteert wordt / die haer niet met
allen en heeft willen te wille weten / nae dat sy in dese landen is
gheromen: also dat haere Secretaris Aldobrandin haer woonin-
ghe hier te lande seyt een ballinckschap te wesen. Ende wat
mocht sy anders verwachten van eenen sone die sijne tonghe
achter haer wt heeft ghesteken / ter tijdt als hy noch eenen iongē
was int Hof te Bruesel? Sulck sal dan de condicie van desen
geluckigen

geluckigen Añastro wesen / die niet veel beter en sal zijn dan die
van sijnen meester/ende van sijnen Cardinael.

Ende op dat ick noch wederom come tot mijnen Cardinael/so
sal ick hem anderwerf bidden/ dat hy dit cleyn verhael wel ouer-
legghe / ende besonder tghene dat in dese leste gherochte mooz-
derijē gheschiedt is: ende ick ghelooue dat hy verstaen sal dat hy
een dapper loghenaer is/als hy den naem van ongheluckich den
gheluckichsten Prince by sijnen tijde / ende den deurluchtrichsten
die in Europa is / toeschijft: ende in-dien hy desen bijnaem wel
wil voeghen/dat hy dien vñjelijck gheue den rampsalichsten Co-
ninck van der erden / diens leuen allen menschen eenen grōuwel
is/besonderlick ouermidts sijne moozddaedighe pñactijcken: en-
de sijnen staet die so zeer geflozeert heeft / is nu so seer ontstelt en-
de beroert/dat hy dien noch copts gantschelick sal sien sincken en
neder dalen.



